

**MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencije broj 16, koje zastupa ministar Admir Katica, (u daljem tekstu: Ugovorni organ) i

**“GUMA M” d.o.o. Mostar**, ulica Bišće Polje bb, kojeg zastupa direktor Mario Vujević (u daljem tekstu: Dobavljač)

zaključili su:

**UGOVOR**  
**o nabavci usluga servisiranja motornog vozila u**  
**garantnom roku marke “Dacia”, LOT 1**

**Član 1.**

Predmet ugovora je nabavka usluga servisiranja motornog vozila marke “Dacia” u garantnom roku (LOT 1) za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu Odluke broj 01-14-4-3540 od 19.06.2019. godine.

Ugovor se zaključuje u skladu sa uslovima iz tenderske dokumentacije, ponudom Dobavljača i odredbama Okvirnog sporazuma broj 01-14-4-3540 od 02.10.2019. godine i stvarnim potrebama Ugovornog organa.

Ponuda Dobavljača broj 269-07/19 CE od 11.07.2019. godine je sastavni dio ugovora.

**Član 2.**

Usluge iz člana 1. ovog ugovora će se pružati sukcesivno, prema narudžbama Ugovornog organa, u zavisnosti od potreba istog, a ukupna vrijednost ovog ugovora iznosi do 5.000,00 KM sa PDV-om (pethiljada i 00/100 KM)

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ugovora pružati usluge servisiranja motornih vozila u garantnom roku za potrebe Ministarstva unutrašnjih poslova Kantona Sarajevo.

**Član 3.**

Usluga servisiranja motornog vozila marke “Dacia” će se vršiti na adresi servisa Dobavljača u Sarajevu.

**Član 4.**

Ugovorni organ će ugovorenu cijenu plaćati Dobavljaču u roku od 45 (četrdeset pet) dana od izvršenja usluge i dostavljanja pojedinačne fakture.

**Član 5.**

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Dobavljač se obavezuje da će:

- stručno i kvalitetno obavljati usluge održavanja motornog vozila Ugovornog organa u garantnom roku;
- motorno vozilo uzeti u rad u roku od 24 sata od momenta dopremanja u servis;
- na svom lageru obezbjediti neophodne rezervne dijelove za održavanje vozila;
- sve intervencije na vozilima vršiti u vezi sa uputama proizvođača istih i
- u servisnoj knjižici voditi ažurnu evidenciju o izvršenom redovnom održavanju i zamjenjenim rezervnim dijelovima.

#### Član 6.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravak propusta Dobavljača u smislu izvršene usluge.

#### Član 7.

Dobavljač se obavezuje da će, u periodu na koji je zaključen okvirni sporazum, potvrdu (certifikat) da je ovlašteni serviser za motorna vozila marke „Dacia“ dostaviti u roku od 10 (deset) dana od dana isticanja važeće potvrde koja je važila u trenutku zaključivanja okvirnog sporazuma.

Ukoliko dobavljač ne ispoštuje obavezu iz stava 1. ovog člana Ugovorni organ može jednostrano, bez saglasnosti Dobavljača, raskinuti ovaj ugovor.

#### Član 8.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

#### Član 9.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

#### Član 10.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, a najduže 1 (jednu) godinu dana od dana obostranog potpisivanja ugovora.

#### Član 11.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAC  
"GUMA M" d.o.o. MOSTAR  
Mario Vujević

UGOVORNI ORGAN  
MUP KANTONA SARAJEVO  
Admir Katica

Broj : -100/19  
Datum: 10.11.2019

Broj : 01-14-4-3540  
Datum: 04.12.2019